



## 's Dorfkapellche.

Do drüwe am Herwel, direkt am Tunnel  
Bun de Eisebahn, do schdeht e Kapell;  
Bun Sandschdä" gebaud, mit Schiffre gedeckt,  
Kings Grabschdä" un Kreizjer, so schdeht es un schdrecht  
Wie e Mahnung aus unserm Woldgedimmel  
De Kerchdurm wie e Finger geh" Himmel.

Bun außē kahl un innwenfig blodd;  
Un doch hann ich de liewe Godd  
Noch nie so nah mer gesiehd un gesieh  
Als wann ich dort im Kapellche knie,  
Un nooh all dem Glenne un all dem Rache .  
Durchs Beede es Herz mer leicht kann mache.

In 're grooße Schdadt, wo alle Gebodd  
Äh"ns kummd un äh"ns geht un in Haß un in Schbodd,  
Die Mensche redde vun Godd un de Wold  
Do hadd er sich nie bei mer ei"geschdellt;

Drum dhu ich mich, um 'n net ganz se verliere  
Efders in des Kapellche rederiere.

Die Bauersleid, ich kenn se all,  
Im Dorf jeres Haus, jeren Hinkelschdall,  
Un mit mancher Fraa, geseht un beduuchd,  
Hann ich mich im Hibbler-Schoddisch versuuchd;  
Un erschd die Mannsleid, kannschd se selwer fro'e,  
Bin ich do, dhut se kää" Bangweil ploo'e

Ö Parre hänn se in de Gemääh",  
Er prerigt net wieschd awer aah net schee",  
Er redd hald wie er's kann un verschdeht;  
Ich hann mer's uff mei" Ard als ausgelehdt,  
Un ich muß sa' ich bin all die Johre  
Net schlecht gefahr, bei dere Moore.

Kerch' un Werrdschaus! Im e klänne Reischd,  
Sinn dem äh"nde, aah dem annre sei" Gäscht;  
Die Kerchedehr iß kaam zugeschberrd,  
Do find mer sich aah schon beim Vewewerrd  
Selbschd de Herr Parre dhut's net verschmähe,  
Uff e halb Schdinnche erei"segehe.

Deckmols hann ich schun debeigeseß;  
Do werrd hald geblaurerd iwer sell un deß.  
De äh"nde fro'd un de anner belehrd  
Un waß mer net alles for A"nsichde do hehrd;  
Wääs Godd e mancher vun unsre Brosesser,  
Gescheider sa'd er's, awer net besser.

Kumm ich aus dem Dersche dann wirrer hääm,  
Dann muß ich hehre vun mancherähm  
Daß er gewest bis in die Derkei so weid,  
Wo ich dann geschdoß die ganze Zeid?  
Ob kää" Rääs ich gemacht, mei" Sinn se erheidre?  
Mei" Wisse se mehre un mei" Blick se erweidre?

Schdolz schwei ich dann schdill zu dem Gebrahl  
Un denck an mei" Dersche im schdille Dhal,  
An de Hewwel mit de klänne Kapell,  
Mit de alde Maure iwerem Tunnel,  
Mit de Miehl un 'm Werrdschaus mit seine Baure  
Un muß den anre — vun Herze bedaure.

